

- (b) Beliau tidak boleh mengambil tindakan terhadap perkara-perkara yang mana kuasa baginya tidak diwakilkan.
- (c) Walaupun beliau diberi kuasa untuk mengeluarkan arahan perubahan kerja, beliau masih tertakluk kepada Arahan Perbendaharaan 202 untuk mendapatkan kelulusan terlebih dahulu daripada Pihak Berkuasa Melulus.
- (d) Wakil P.P. Utama mesti mengesahkan tentang adanya peruntukan kewangan. Manakala bagi Wakil P.P. Pakar pula menyalurkan permohonan bagi perubahan kerja tambahan untuk kelulusan terlebih dahulu melalui Wakil P.P. Utama.

9.4. Memantau Kemajuan Kerja

9.4.1. Program kerja Kontraktor hendaklah menggunakan Kaedah Aliran Kritikal (*Critical Path Method*) bagi memantau dan mengawal kemajuan Kerja dan mentadbir Kontrak.³

9.4.2 Langkah-langkah berikut hendaklah dipatuhi:

- (a) Apabila menerima program kerja Kontraktor, ia hendaklah disemak dengan teliti antaranya ialah:
 - (i) sama ada program secara keseluruhannya mencerminkan susunan operasi kerja yang munasabah dan realistik untuk membolehkan keseluruhan Kerja disiapkan pada atau sebelum Tarikh Siap; dan
 - (ii) kemunasabahan tarikh-tarikh permulaan dan penyiapan Kerja yang dicadangkan untuk dilaksanakan oleh subkontraktor dinamakan dan pembekal dinamakan.
- (b) Program kerja hendaklah dibincangkan dengan Kontraktor. Kontraktor hendaklah meminda atau menyemak semula program kerja tersebut

³ Surat Arahan KPKR Bil.(69)dlm.JKR:KPKR 020/050/03 Klt.3 bertarikh 31.07.2000 dan Bil.(57) dlm.JKR.KPKR.020.050/03 Klt.3 bertarikh 23 Mei 2000